




It's Up to Us pou Kreye yon San Diego ki an Sante epi ki Solidè

Fè Limyè Sou: Konpreyansyon sou Kriz Sante Mantal, sou Kriz Dwòg oswa Alkòl

Nan ka ta gen yon ijans sante mantal oswa ki gen pou wè ak konsomasyon sibstans toksik, genyen sèvis ki disponib pou ede moun antre an kontak ak sipò pwofesyonèl. Sèvis entèvansyon ak repons nan tan kriz yo ede nan asire y ap rele travayè ijans yo ak fòs lòd yo sèlman nan sitiyasyon ki mande yon atansyon imedya.

Ijans sante mantal ak sa ki gen pou wè ak konsomasyon sibstans toksik yo, ki pote non ijans sikyatri oswa kriz sante konpòtmantal tou, se sitiyasyon kote aksyon, santiman, oswa konpòtman yon moun ka lakòz li domaje tèt li oswa lòt moun, oswa li kapab rann sa pi difisil pou li pran swen tèt li. Sitiyasyon konsa yo souvan enplike santiman mank espwa oswa mank asistans sa ki ka lakòz yon moun konsome alkòl oswa dwòg. Si yon moun ou renmen anpil ap pase nan yon moman kriz tankou sa a, li enpòtan pou w konnen kijan pou bay yo sipò yo bezwen an.

4 Sèvis Kle ou Dwe Konnen

Liy Aksè ak Kriz San Diego a (San Diego Access & Crisis Line, ACL) 888-724-7240

Si w bezwen enfòmasyon oswa asistans pou jwenn resous, sa se yon bon kote pou w kòmanse. Genyen lòt sèvis ki afiche pi ba a ou kapab antre an kontak ak yo tou. Ou kapab rele ACL si ou ta renmen resevwa enfòmasyon sou pwogram, sou sipò w ka jwenn pou tèt pa w, oswa sou referans pou jwenn yon espesyalis.

Inite Estabilizasyon Kriz

Sa yo se sant ki pozisyon nan kominote a epi tou ki toupre oswa anndan diferan lopital nan Konte San Diego a. Etablisman sa yo, yo konstwi yo pou ofri sèvis estabilizasyon ak moun ki nan sitiyasyon kriz.

Sèvis pou Pasyan ki pa Entène yo

Sèvis sa yo, se sèvis klinik sante mantal nan Konte San Diego yo ansanm ak lòt founisè ofri. Yo pran randevou pou moun ki gen twoub sante mantal oswa twoub konsomasyon sibstans toksik yo epi yo ka resevwa moun pou vizit annijans san yo pa t bezwen pran randevou.

Sèvis Entèkansyon nan moman Kriz

Lè w rele ACL, yon repatitè ki fòme pou sa pral reponn apèl ou a epi mande w enfòmasyon sou sitiyasyon w ap fè fas la. Selon repons ou an, repatitè a pral detèmine si yo ta dwe mete sèten sèvis entèkansyon nan kad kriz ak sèvis repons sou pye pou pote asistans, tankou Ekip Entèkansyon Mobil nan moman Kriz la (Mobile Crisis Response Team, MCRT) oswa sèvis ijans yo.

Li Plis: Pwogram Ekip Entèkansyon Mobil nan moman Kriz la (Mobile Crisis Response Team, MCRT)

Ekip Entèkansyon Mobil nan moman Kriz la (Mobile Crisis Response Team, MCRT) se yon sèvis entèkansyon nan moman kriz yo te mete sou pye nan Konte San Diego a nan mwa Janvyè 2021. MCRT yo entèvni, evalye, epi jere sitiyasyon kriz yo epi yo kapab separe yo epi voye yo travay apre yon yon amnm nan yon kominote kontakte ACL oswa sèvis ijans yo.

Yon bagay ki rann pwogram sa inik pa rapò ak lòt ekip entèkansyon nan moman kriz yo, tankou Ekip Entèkansyon Annijans nan domèn Sikyatri a (Psychiatric Emergency Response Team, PERT) se paske MRCT yo pa fè pati fòs lòd yo. Yo ofri yon lòt opsyon entèkansyon pou abitan San Diego ki nan sitiyasyon twoub sante mantal oswa kriz ki gen pou wè ak konsomasyon sibstans toksik yo. Ekip yo genyen yon klinisyen ki fòme nan domèn konpòtman, yon manadjè dosye ak yon sipò akonpayman. MRCT yo ka ede nan sitiyasyon ki reponn ak kritè espesifik, tankou lè pa gen menas vyolans oswa ijans medikal (li pi ba a pou jwenn plis enfòmasyon). Sèvis sa yo, yo kreye yo pou reponn ak bezwen moun nan genyen “nan kote l ye a” nan yon fason ki adapte epi ki plen respè.

MRCT yo pral vini epi ede w konprann ak jere sitiyasyon an. Yo pral eksplike w opsyon ou genyen yo epi yo pral sijere w sa pou w fè apre sa a. Si w bezwen sa, yo ka ofri w yon ti woulib pou jwenn lòt sèvis asistans. **Objektif yo se ede w jwenn pi bon kalite sipò ki ap reponn ak bezwen ou yo.**

Kisa Sèvis Entèkansyon ak Repons nan Moman Kriz la Ofri?



MCRT Ekip ki pa fè pati fòs lòd yo



PERT Fòs lòd yo + klinisyen an



EMS Si gen yon ijans medikal

Sa depan sitiyasyon an, yo ka voye lòt sèvis entèkansyon nan moman kriz.

MRCT yo Kapab Itil Lè...

1. Pa gen okenn blese ki mande pou gen entèvansyon medikal.
2. Pa gen okenn itilizasyon zam oswa pa gen moun ki posede zam selon sa moun konnen.
3. Moun nan pa enplike nan aktivite kriminel ki grav epi ki gen pou wè ak bezwen pou gen yon entèvansyon ki garanti fòs lòd yo ap entèvni.
4. Yo pa konnen moun nan an koneksyon ak yon ankèt fòs lòd yo ap fè.
5. Pa gen okenn menas vyolans oswa posibilite pou vyolans imedya oswa itilizasyon vyolans kont lòt moun oswa oto-agresyon.

Si yo pa t rele fòs lòd yo egzakteman EPI si tout lòt kritè ki pi wo yo respekte, yon repatitè ka rekòmande pou yo voye yon MCRT pou entèvni nan kad yon sitiyasyon kriz.

Si ou toujou pa fin konnen kisa w dwe fè oswa sa ou bezwen, rele **ACL nan 888-724-7240** pou pale ak yon ekspè ki fòme. Pou konnen plis konsènan sèvis sa yo, ale sou [SanDiegoCounty.gov/MCRT](https://www.sandiegocounty.gov/MCRT) and [CRFBehavioralHealthcare.org/programs/pert/](https://www.crfbehavioralhealthcare.org/programs/pert/)

Sous

- Sèvis Sante Konpòtman. (n.d.). Ekip mobil repons pou kriz (MCRT). Konte San Diego. <https://www.sandiegocounty.gov/content/sdc/mcrt.html>
- Sèvis Sante Konpòtman. (n.d.). Ekip mobil repons pou kriz (MCRT), kesyon yo poze souvan. Konte San Diego. <https://www.sandiegocounty.gov/content/sdc/mcrt.html>
- Konte San Diego. (n.d.). P.E.R.T. Ekip repons ijans sikyatrik, enfòmasyon sou kominote a, entwodiksyon ak istwa PERT. https://www.sandiegocounty.gov/content/dam/sdc/hhsa/programs/bhs/documents/pert_flyer.pdf
- Fondasyon Rechèch Kominotè. (n.d.). PERT. <https://www.crfbehavioralhealthcare.org/programs/pert/>

